

IIB MA GALO

FAAFINTA

الرسمية



RASMIGA AH

الجريدة

JAMHUURIYADDA DIMOQRAADIGA SOOMAALIGA

جمهورية الصومال الديمقراطية

Sannadka 10aad Muqdisho 12 Febbraayo 1982 L. 1R2

FAAHFAAHINTA BIL SOO BAXA

جريدة شهرية

Laanta Faafinta Rasmiga ah ee Madaxtooyada J. D. S.

QIIMADU: waa 5 shilin lambar waliba — RUKUNKA: Sannadii waa Sh. 100

Somaaliya gudaheeda — dibaddeedana waa Shs. 300. Rukunka la weydiisto waqtiga loo gooyey wuxuu ka bilaabmaa 1 Jenayo Qiimaha qoriitaanku F.R. halkii sadar iyo waxii ka yar waa 2 laba Sh. — Rukunka iyo qoriitaanka waxaa la weydiistaa laanta Maamulka Faafinta Rasmiga ah — lacagta waxaa lagu bixinayaa Xafiiska Canshuuraha ee Wasaaradda lacagta

K O O B N I I N

QAYBTA KOOWAAD

SHARCI

W. M.

QAYBTA LABAAD

X E E R

«

XEER SHARCI L. 1 ee 28 Jen. 1982, Cafis

Guud loo fidiyey Dembilayaal.

Bog: 152

XEER SHARCI L. 2 ee 28 Jen. 1982, Baa-

bi'inta canshuurta aan caadiga ahayn ee horumarinta dhaqaalaha.

155

XEER MADDAXWEYNAHA JDS, L. 7 ee

28 Jen. 1982, Billad Maar ah ee Hawl-karnimo lagu maamusay J.L. Maxamed Sh. Xuseen.

157

WAKAALADDA M. QARANKA

- XEER MADAXWEYNAHA JDS, L. 8 ee
28 Jen. 1982, Billad Maar ah oo Hawl- 158
karnimo lagu maamusay J.L. Faa-
rax Xirsi Baare.
- XEER MADAXWEYNAHA JDS, L. 9 ee
1 Jen. 1982, Magacaabid Sarkaal loo 159
wakiishay kharashkan Miisaaniyad-
da sannadka 1982.
- QAYBTA SADDEXAAD
- TALOOYIN ISGAARSIIN OG. IYO WIXII LA MID AH
- MAXKAMADDA G. W/GALBEED, 3.2.82,
Lumid Jeeg War. L. 361326 ku qoran 161
Saciid Maxamed Faarax L. 86
- MAXKAMADDA G. W/GALBEED, 3.2.82,
Lumid Jeeg War. L. 353191 ku qoran 163
Cabduraxmaan Aw-Nuur Cabdi L. 87
- MAXKAMADDA G. BANAADIR, 17.1.82,
Lumid Buug Keyd L. 2233/NCR-9434 164
ku qoran Afjanno Guuleed Ducaa-
le L. 88
- MAXKAMADDA G. BANAADIR, 21.1.82,
Dumid Buug Keyd L. 11178 ku qoran 165
Maxamed Xasan Rooble L. 89
- MAXKAMADDA G. BANAADIR, 10 Feb.
1982 Lumid Buug Keyd L. 12121 ku 166
Cabdi Sheekh Cabdulle L. 90.—
- MAXKAMADDA G. BANAADIR, 10.2.82
Lumid Jeeg War. L. 285301 ku qoran » 167
Maxamed Cali Yuusuf L. 71.—

QAYBTA LABAAD

X E E R

XEER-SHARCI lambar 1 taariikh 28 Jen. 1982, Cafis guud loo fidiyey dembilayaal iyo eedeysanayaal Dalka dibeddiisa jira iyo kuwo caddaaladda ka dhuumaaleysanaya.

MADAXWEYNAHA JDS

MARKUU ARKAY: Qod. 69aad ee Dastuurka;

MARKUU ARKAY: go'aannadii Kalfadhagii 4aad ee Golaha Dhexe Xisbiga Hantiwadaagga Kacaanka Soomaaliyeed, qaybtooda ku saabsan cafis u fidinta dadka Dalka dembiga ka galay ee dibedda ku nool, ama ka dhuumaaleysanaya caddaaladda;

MARKUU TIXGELIYEEY: Dabeecadda go'aanna daas, lagama maarmaanna ay ugu muuqatay in dhagangelintooda lagu soo saaro **XEER-SHARCI** si ay deg-deg ugu hirgalaan;

MARKUU DHEGEYSTAY: Golaha Wasiirrada.

WUXUU SOO SAARAYAA

XEERKA-SHARCI ee soo socda:

Qod. 1aad

Qof kasta oo Soomaali ah oo Qaranka Soomaaliyeed dembi ka galay, inta ka horreysa 24ka Jennaayo 1982, kuna nool Dalka JDS dibaddiisa, ha xukunnaado ama yuusan xukunnaanine, waxaa loo fidiyey cafis, haddii uu oofiyo shuruudaha ku tilmaaman Qod. 4aad.

Qod. 2aad

Sidoo kale, isla cafiskaasi waxaa loo fidiyey dembiilayaasha iyo eedeysanayaasha caddaaladda ka dhuumaaleysanaya, oo jooga Dalka gudahiisa.

Qod. 3aad

Cafiskaasi ka tilmaaman Qod. 1aad wuxuu qofka aan xukunneen ka tirtirayaa dembiga, kan xukumanna wuxuu ka baabi'inayaa ciqaabta.

Qod: 4aad

Qofka cafiskaasi ka faa'iideysanaya, waa in uu la yimaadaa shuruudaha soo socda:

1: Haddii uu jiro Dalka dibeddiisa:

a) inuu Dalka JDS ku soo noqdaa saddex bilood gudahooda, laga soo billaabo 24ka Jennaayo 1982, iskana xaadiriyo mar allaaliye markuu soo galo, saldhigga ama xarunta ugu dhow ee Hey'adaha Nabadgelyada, ama xafiisyada Xeer Ilaaliyayaasha, si loo sugo taariikhda ku soo laabashadiisa Dalka, loona qaado tillaabada sharciga ah ee la xiriirta dhaqangelinta cafiska, ama:

b) iska xaadiriyo muddada kor ku tilmaaman gudaheeda, Safaaradaha JDS, isagoo qoraal cafis weydiisasho ah geynaya.

2. Haddii uu dembiilaha ama eedeysanuhu ku sugan yahay Dalka gudihisa, inuu iska xaadiriyo Hay'adda Nabadgelyada ugu dhow ama Madaxa Degmada.

Qod. 5aad

Safaaradaha, Hay'adaha Nabadgelyada iyo Madaxda Degmooyinku waa in ay degdeg ugu gudbiyaan Xeer Ilaalinta awoodda u leh magacyada Dadka isku xaadiriyeey in ay cafiskan ka faa'iideystaan, soona raaciyaan warbixin qof-qof ah, iyagoo sheegaya magaca qofka oo saddexan, magaca hooyada, meel iyo taariikh dhalasho, dembiga uu ku xukuman yahay ama ku eedeysan yahay, goobta uu dembigu ka dhacay iyo taariikhdiisa iyo taariikhda uu is xaadiriyeey.

Qod. 6aad

Xeer Ilaaliyaha awoodda u leh dhaqaajinta dacwaddii loo haystay ka-faa'iideystaha cafiska ku tilmaan Qodobbada laad iyo 2aad ee Xeer-Sharcigan, ama Ku-xigeennada ama Wakiillada Xeer Ilaaliyaha ee Go-

bollada iyo Degmooyinku, waxay u hawlgelayaar soo saaridda go'aannada dembi tirtiridda ama ciyaab baabi'inta, hadba xaalka uu ku sugan yahay Ka-faa'iidaystuhu.

Qod. 7aad

Xeerkan-sharci wuxuu dhaqan gelayaa laga bi laabo 24ka Jennaayo 1982, waxaana lagu soo saarayaa Faafinta Rasmiga ah ee Jamhuuriyadda.

Isla markaana waxaa loo gudbinayaa Golaha Sarcbiga si loogu rogo sharci.

Muqdisho, 28 Jen. 1982

MADAXWEDNAHA J.D.S.

(Maxamed Siyaad Barre)

XEER SHARCI lambar 2 taariikh 28 Jan. 1982 Baa-
bi'inta canshuurta aan caadiga ahayn ee horuma-
rinta Dhaqaalaha iyo Bulshada.

MADAXWEYNAHA JDS

MARKU UARKAY: Qod. 69aad ee Dastuurka;

MARKUU ARKAY: Sharciga tirsigiisu yahay
57 ee 27ka setembar 1970, kuna saabsan canshuurta
aan caadiga ahayn ee horumarinta dhaqaalaha iyo
bulshada;

MARKUU TIXG)LIYEY: in ay lagama maar-
maan tahay in la baabi'yo canshuurtaas, iyadoo loo
daneynayo Xoogsatada mushaar ku noolka ah, lagana
taakuleynayo xagga maciishadda;

ISAGOO TIXGELIYEY: soojeedinta Wasiirka
Wasaaradda Maaliyadda;

DHEGEYSTAYNA Golaha Wasiirrada

WUXUU SOO SAARAYAA

XEERKA-SHARCI ee soo socda:

Qod. 1aad

Laga billaabo 1da feberaayo 1982, waxaa la baa-
bi'iyey canshuurta aan caadiga ahayn ee horumarin-
ta dhaqaalaha iyo bulshada.

Qod. 2aad

Isla taariikhda ku tilmaaman Qod. 1aad, waxaa la
burriyey Sharciga tirsigiisu yahay 57 ee 27ka Setem-
ber 1970, iyo Sharci kasta oo ka soo horjeeda ama aan
la socon karin Sharcigan.

Qod. 3aad

1. Xeer-Sharcigan wuxuu dhaqan gelayaa isla
maalinta uu saxiixo Madaxweynaha JDS, waxaana la-
gu soosaarayaa Faafinta Rasmiga ah ee Jamhuuri-
yadda.

2. Isla markaana, iyadoo lagu dhaqmayo Qod. 69aad ee Dastuurka, waxaa loo gudbinayaa Golaha Shacbiga si loogu rogo Sharci.

Muqdisho, 28 Jen. 1982

MADAXWEDNAHA J.D.S.

(Maxamed Siyaad Barre)

WASIIRKA MAALIYADDA

(Cabdullaahi Axmed Caddow)

XEER MADAXWEYNAHA JDS, L. 7 ee 28 Jen. 1982
Billad Maar ah oo Hawlkarnimo lagu maamusay
Jaalle Maxamed Sheekh Xuseen.

MADAXWEYNAHA JDS

MARKUU ARKAY: Qod. 82aad ee Dastuurka
J.D.S;

MARKUU ARKAY: Sharciga L. 65 ee 19ka Ok-
toobar 1970;

MARKUU TIXGELIYEEY: Muddadii dheereed ee
Jaallahaas uu soo shaqeyey, isagoo muujiyey inuu
Qaranka ugu shaqeeyo si hagar la'aan ah, waajibaad-
kiisana ku guto si xilkasnimo ah oo aan leex leexad
lahayn;

MARKUU TIXGELIYEEY: Inay lagama maar-
maan tahay in dadka ku shaqeeyo hawlkarnimada,
kana qayb qaata dhismaha Dalka iyagoo muujinaaya
niyadsami, kacaannimo, looga reebo raad wax ku ool
ah.

WUXUU SOO SAARAYAA

Xeerka soo socda:

Qodob keliya

Maxaa lagu maamusay Billad Maar ah oo Hawl-
karnimo Jaalle Maxamed Sheekh Xuseen, oo ka tirsaa-
naan jiray shaqaalaha Wasaaradda Waxbarashada
iyo Barbaarinta ee Gobolka Mudug.

Xeerkan wuxuu dhaqan gelayaa markuu saxiixo
Madaxweynaha JDS.

Muqdisho 28 Jan. 1982

MADAXWEDNAHA J.D.S.

(Maxamed Siyaad Barre)

XEER MADAXWEYNAHA JDS, L. 8 ee 28 Jen. 1982,
Billad Maar ah oo Hawlkarnimo lagu maamusay
Jaalle Faarax Xirsi Barre.

MADAXWEYNAHA JDS

MARKUU ARKAY: Qod. 82aad ee Dastuurka
J.D.S;

MARKUU ARKAY: Sharciga L. 65 ee 19kii Ok-
toobar 1970;

MARKUU TIXGELIYEY: Soo jeedinta Wasiir-
ku-xigeenka Wasaaradda Xannaanada Xoolaha, Dhir-
ta iyo Daaqa, kuna saabsanayd wax qabadka iyo xil-
kashnimada dheeraadka ah ee Jaalle Faarax Xirsi
Barre, oo kaalin wax ku ool ah ka qaatay gurmalkii
daryeelka iyo daaweynta xoolaha dadkii ka soo qaxay
gumeysiga xabashada;

MARKUU ARKAY: Inay lagama maarmaan ta-
hay in Jaallahaas la guddoonsiiyo aqoonsiga uu Ka-
caankiisa iyo Ummaddiisa ka mudan yahay, looga-
reebo raad wax ku ool ah, dhaxal gal ah.

WUXUU SOO SAARAYAA

Xeerka soo socda:

Qodb keliya

Waxaa lagu maamusay Billad Maar ah oo Hawl-
karnimo Jaalle Faarax Xirsi Barre, Isuduwaha Wa-
saaradda X. Xoolaha, Dhirta iyo Daaqa ee Gobolka
Gedo.

Xeerkaan wuxuu dhaqan gelayaa markuu saxii-
xo Madaxweynaha JDS.

Muqdisho, 1 Jen. 1982

MADAXWEDNAHA J.D.S.

(Maxamed Siyaad Barre)

XEER MADAXWEYNAHA JDS, L. 9 ee 1 Jen. 1982,
Magacaabid Sarkaal loo wakiishay kharashkan
Miisaaniyadda Sannadka 1982.

MADAXWEYNAHA JDS

ISAGOO ARKAY: Qod. 82aad xubintiisa 14aad
ee Dastuurka JDS;

MARKAAN ARKAY: Dikreetada sharciga ee
soo baxday 29kii Disembar 1961, L. 2, Amarka Maa-
mulka xisaabaadka;

MARKAAN ARKAY: P.D.R. 20 Marso 1965, L. 13
xeerka nidaaminta iyo abaabulidda xeerka joogtada
ah ee ku saabsan Madaxtooyadii hore ee Guddiga Wa-
saaradda iyo Xafiisyada la xiriiray iyo wixii bedde-
laad gashay;

MARKII LA GAREYSTAY: In loo baahanyahay
sarkaal shaqaale ee loo wakiisho Maamulka Lacagta
Madaxtooyada JDS. iyo dhammaan xubnaha kale du-
wan ee raacsan: Agaasimayaasha Guud- Xafiisyada,
iyo qaybaha maamulka ee lagu tilmaamay sharcigii
lambarkiisu ahaa 1 taariikhdiisuna ahayd 4.1.1968,
ayadoo uu siinayo awood maamulidda qardaysiga ku
tala gelidda kharashka shaqo socodsiinta, iskuduwid-
da iyo soo bandhigidda xisaabaadka la garaysan karo
kuna saabsan qaradada (soo hormarin) la sameeyo
oggolaanshada rukhsadda safarka dibadda iyo guda-
haba.

D I K R E E T A :

Sarkaal la yiraahdo Jaalle Maxamed Xaaji Cabdi
«Fartaag» — Darajo A5/° Agaasimaha Guud ee La-
cagta M.J.D.S. waxaa lagu magacaabay sarkaal wakii-
leed kharashka Miisaaniyadda Sannadka ee Lacagta
MJDS iyo xubnaha raacsan ee kor lagu soo xusay. ka
billaabata 1da Jannaayo 1982.

Dikreetadatanu waxay dhaqan galeysaa haddatan, isla markaana waxaa lagu soo saarayaa Faafinta Rasmiga ah.

Muqdisho, 1 Jen. 1982

MADAXWEYNAHA JDS

(Maxamed Siyaad Barre)

Waan aragnay ee Diiwaangelinay.

Diiwaanka L. 1 bogga L. 1.

Muqdisho, 10 Jen. 1982.

Hantidhowraha Guud.

Dr. Xuseen Cabdulle Cali;

— Maxkamadda Gobolka W/Galbeed —

Cusbooneysiin Jeeg Wareeg ee lumay.-

GUDDOOMIYAHA MAXKAMADDA G. W/GALBEED

MARKUU ARKAY: Arjiga taariikhdiisu tahay 1.2.82, ee uu soo qortay Jaalle SICIID MAXAMED FAARAX, kuna saabsan cusbooneysiinta Jeegga Wareega ee ka lumay, lambarkiisuna yahay 361326, taariikh 24.12.81, Shs. 50.000/= oo laga sameeyey Bankiga Ganacsiga iyo Kaydka Soomaaliyeed, laanta laad ee Hargeysa;

MARKUU ARKAY: rasiidka jeeggii lumay iyo caddaynta Bankiga ee ay ku sugnaatay lahaanshaha lacagta ku qoran jeegga iyo samaynta rasmiga ah;

MARKUU ARKAY: Qod. 69 — 70 ee Xeerka Lambar yahay 2, soona baxay 9.9.65, (Credit Instruments).

WUXUU GO'AAMIYEY

In la tirtiro Jeeggii lumay loono cusbooneysiyo Jaalle SICIID MAXAMED FAARAX, gacantana laga saaro cusbooneysiinta Jeegga labaad isaga ama ciddii kale ee soo siiyo Wakaalad rasmi ah, 15 maalmood ka dib, maalinta go'aanka lagu soo saaro Faafinta Rasmiga ah ee JDS.

WAXAA LA FARAYAA

Bankiga u sameeyey jeeggii lumay Jaalle Siciid inuu mar kale u sameeyo cusbooneysiinta jeegga labaad, markii ay dhammaadaan shuruudaha baarista iyo faafintan ku qoran go'aanka.

WAXAA KALE

Oo la farayaa Bankiga Ganacsiga ee Hargeysa inuu ku dhejiyo irdaha Bankiga naqallada go'aankan si ay uga eegtaan halkaasi ciddii haysata kii lumay ama dankale ka lihi.

Codsadaha, waxaa la farayaa inuu deg deg u gaarsiiyo go'aanka Xafiiska Garyaqaanka Guud ee Jamhuuriyadda, laanta Faafinta Rasmiga ah iyo Bankiga Hargeysa si ay u fuliyaan amarrada g'aanka.

Hargeysa. 3.2.82

GUD. MAXKAMADDA GOBOLKA
(Ibraahim Faarax Maxamed)

KAALIYAHA MAXK. GOBOLKA
(Maxamed Diiriye Maxamed)

L. 86

— Maxkamadda Gobolka W/Galbeed —

Cusbooneysiin Jeeg Wareeg ee lumay.-

GUDDOOMIYAHA MAXKAMADDA G. W/GALBEED

MARKUU ARKAY: arjiga uu soo qoray Cabduraxmaan Aw-Nuur Cabdi oo ku taariikhaysan 1.2.82, kuna codsaday inloo cusbooneysiyo Jeegga Wareega ee ka lumay, Lambarkiisuna yahay 353191, taariikh 19.12.81, laga sameeyey Bankiga Ganacsiga iyo Kaydka Laanta Burco, lacagta ku qoranina tahay 50.000/= oo Shilin;

MARKUU ARKAY: Rasiidka Jeeggaasi lumay iyo Caddaynta Bankiga Ganacsiga Ummadda Laanta laad ee Hargeysa ee Caddaynaysa lahaanshaha dacwoodaha:

MARKUU ARKAY: Qod. 59 — 70 ee Xeerka Lamb. yahay 2, soona baxay 9.9.65 (Credit Instrument).

WUXUU GO'AAMIYEY

In la tirtiro jeegga lumay oo lambarkiisa iyo lacagtiisuba ay kor ku xusan yihiin, loona cusbooneysiyo Jaalle Cabduraxmaan Jeegga kale oo la mid ah kii lumay.

WUXUU AMRAYAA

Bankiga Kaydka iyo Ganacsiga Soomaaliyeed laamihiisa Hargeysa, cusbooneysiinta Jeegga Labaad, gacanta ka saaraan Jaalle Cabduraxmaan Aw-Nuur 15 maalmood ka dib, maalinta go'aankan lagu soo saaro Faafinta Rasmiga ah ee JDS.

WAXAA LA FARAYAA

Jaalle Cabdiraxmaan in uu deg deg u gaarsiiyo naqallada go'aankan Xafiiska Faafinta Rasmiga ah ee JDS si ay ugu soo saaraan Faafinta.

WAXAALAFARAYAA

Laanta laad ee Bankiga Ganacsiga iyo Keydka ee Hargeysa, inay ku dhejiyaan naqallaoda go'aankan

irdaha Bankiga si ciddii haysata kii lumay ay halkaas uga eegato.

Hargeysa, 3.2.82

GUD. MAXKAMADDA GOBOLKA
(Ibraahim Faarax Maxamed)

KAALIYAHA MAXK. GOBOLKA
(Maxamed Diiriye Maxamed)

L. 67

MAXKAMADDA GOBOLKA BANAADIR

GUDDOOMIYAHA MAXKAMADDA

HADDUU ARKAY: Dacwadda kor ku qoran; lambarkiisu ahaa 2233/NCR-9434, lagana soo saaray Bankiga Ganacsiga iyo Keydka Soomaaliyeed Laanta Koowaad kuna qoran lacag dhan Shs. 11.728/= uu iskalahaa AFJANO GUULEED DUCAALE, sida ku cad warqadda lambar. yahay 203 taariikh 12.1.82, ee Bankiga Ganacsiga iyo Keydka Soomaaliyeed Laanta Koowaad;

WUXUU XEERIYEEY

In la baabi'yo (Amortamento) Buug Keyd lam. HADDU ARKAY: Qod. 69 Sharciga L. 2 ee 9.9.65. 2233/NCR-9434 oo ku qoran AFJANNO GUULEED DUCAALE, ayna ku jirto Shs. 11.728.

WUXUU FARAYAA

In Bankiga Ganacsiga iyo Keydka Laanta laad u beddesho AFJANO GUULEED DUCAALE, Buug Keyd ee kor ku tilmaaman una sameyso mid la mid ah ka dib markay ka soo wareegato muddo aan ka yarayn 30 maalmood maalinta Go'aanka lagu daabaco Faafinta Rasmiga ah ee JDS, haddii inta ka horreysa aan wax is hortaag ah laga keenin.

Muaadisho, 17.1.82

GUD. MAX. GOBOLKA BANAADIR
(Dr. Cabdullaahi Maxamed Maax)

MAXKAMADDA GOBOLKA BANAADIR

GUDDOOMIYAHA MAXKAMADDA

HADDUU ARKAY: Dacwadda kor ku qoran;

HADD UARKAY: In Buug Keyd dhumay oo lambarkiisu ahaa 11178, lagana soo saaray Bankiga Ganacsiga iyo Keydka Soomaaliyeed Laanta laad ku na qoran lacag dhan Shs. 5.645/= uu iska lahaa Maxamed Xasan Rooble sida ku cad warqadda lamb. yahay 7373 taariikh. 21.1.82 ee Bankiga Ganacsiga iyo Keydka Soomaaliyeed Laanta laad;

HADDU ARKAY: Qod. 69 Sharciga L. 2 ee 9.9.65

WUXUU XEERIYEY

In la baabi'iyoo (Amortamento) Buugga Keydka lam. 11178 oo ku qoran Maxamed Xasan Rooble ayna ku jirto Shs. 5.645/=;

WUXUU FARAYAA

In Bankiga Ganacsiga iyo Keydka Laanta laad u baddelo Maxamed Xasan Rooble Buugga Keydka ee kor ku tilmaaman una sameeyso mid la mid ah ka dib markay ka soo wareegto muddo aan ka yareyn 30 maalmood maalinta Go'aanka lagu daabaco Faafinta Rasmiga ah ee JDS, haddii inta ka horreysa aan wax ishortaag ah laga keenin.

Muqdisho, 21.1.82

GUD. MAX. GOBOLKA BANAADIR

(Dr. Cabdullaahi Maxamed Maax)

MAXKAMADDA GOBOLKA BANAADIR

GUDDOOMIYAHA M.G.B.

HADDUU ARKAY: Dacwadda kor ku qoran;

HADDUU ARKAY: In Buug Keyd dhumay oo Lambarkiisu ahaa 12121, lagana soo saaray Bankiga Ganacsiga iyo Keydka Soomaaliyeed Laanta 3aad kuna qoran lacag dhan Sh. So. 52.568 uu iska lahaa Cabdi Sheekh Cabdulle sida ku cad warqadda lamb. 00197 Taariikh 10.2.82 ee Bankiga Ganacsiga iyo Keydka Soomaaliyeed Laanta 3aad;

HADDUU ARKAY: Qod. 69 Sharciga L-2 ee 9.9.65.

WUXUU XEERIYEEY

In la baabi'yo (Amortamento) Buug Keyd Lam. 12121 oo ku qoran Cabdi Sheekh Cabdulle ayna ku jirto Shs. 52.568/=.

WUXUU FARAYAA

In Bankiga Ganacsiga iyo Keydka Laanta 3aad u baddelo Cabdi Sheekh Cabdulle Buugga Keydka ee kor ku tilmaaman una sameyso mid la mid ah ka dib arkey ka soo wareegato muddo aan ka yareyn 30 maalmood maalinta Go'aanka lagu daabaco Faafinta Rasmiga ah ee JDS, haddii inta ka horreysa aan wax ishortaag ah laga keenin.

Muqdisho, 10.2.82

GUDDOOMIYAHA M. G. B.

(W.S. Dr. Cabdullaahi Maxamed Maax)

MAXKAMADDA GOBOLKA BANAADIR

GUDDOOMIYAHA M.G.B.

HADDUU ARKAY: Dacwadda kor ku qoran;

HADDUU ARKAY: Inuu dhumay Jeegga Wareega Lambarkiisu ahaa 285301, lagana soo saaray Bankiga Ganacsiga iyo Keydka Soomaaliyeed Laanta Burco kuna qoran lacag dhan Sh. So. 20.000 uu iska lahaa Maxamed Cali Yuusuf sida ku cad warqadda Lambarkeedu ————— Taariikhdu 3.1.82, ee Bankiga Ganacsiga iyo Keydka Soomaaliyeed Laanta Burco;

HADDUU ARKAY: Qod. 69 Sharciga L.2 ee 9.9 65.

WUXUU XEERIYEEY

In la Qiimetiro (Amortamentto) Jeegga Wareega Lam. 285301 oo ku qoran magaca Maxamed Cali Yuusuf ayna ku jirto Sh. So. 20.000

WAXUU U FASAXAAYAA

Bankiga Ganacsiga iyo Keydka Soomaaliyeed Laanta Burco in uu siiyo Maxamed Cali Yuusuf lacagta ku qoran Jeegga Wareega ee kor ku tilmaaman kaddib markey ka soo wareegato muddo aan ka yarayn 15 beri marka Go'aanka lagu daabaco Faafinta Rasmiga ee JDS, haddii inta ka horreysa aan wax ishortaag ah laga keenin.

WAXAA LA AMRAYAA

In Go'aan lagu daabaco Faafinta Rasmiga ee JDS, lana gaarsiiyo Laanta Burco ee Bankiga Ganacsiga iyo Keydka Soomaaliyeed.

Muqdisho, 10.2.82

GUDDOOMIYAHA M. G. B.

(W.S. Dr. Cabdullaahi Maxamed Maax)